



## **TUR COMISARIO NOMBRA PA AVP DEN UTILITIES A KEDA RECHASA PA BANCO (LENDERS)**



## **IRAN TA CONSIDERA PA CERA PASE DI STRAIT OF HORMUZ: KICO ESAKI LO NIFICA PA MUNDO?**

## **FRACCION DI MEP A PIDI UN REUNION PUBLICO CU MINISTER WYATT RAS KETO BAY PUEBLO PAGANDO PA 92 REMEDI!**



Nos por corda con Partido AVP a presenta nan 10 punto di accion durante campaña cu manera nan drenta gobierno den e prome 100 dianan di gobernacion nan lo kita tur remedi riba e lista positivo y ningun hende lo mester paga pa ningun remedi mas.

Minister Wyatt Ras ta un di esnan cu a grita, instiga y priminti cu si nan drenta ningun hende lo mester paga pa remedi. Awe e realidad ta otro, awe ironia di bida ta cu e propio minister Wyatt Ras a dicidi pa keda cobra pueblo pa 92 remedi.

## **LEY DI PROTECCION DI CONSUMIDOR APROBA UNANI-MAMENTE PA PARLAMENTO DI ARUBA**

## **MERCA A ATACA TRES INSTALACION NUCLEAR DI IRAN: TRUMP A ANUNCIA CU E OPERACION TA EXITOSO**





# MOTOCICLISTA A CAY NA HOOIBERG



Hooiberg - Diabierna anochi ambulance a bay altura di Well Well, pa un accidente di brommer cu auto.

Ambulance tawata esun prome na e sitio y berdad ta topa cu un brommer benta abou, ariba e t-weg pariba di Well Well.

Segun e motociclista "nan" a bente abou, pero no tawata tin niun otro vehiculo of hende na e sitio cu por bisa esey.

Polis a yega algun rato despues y ta muestra den e direccion cu e motociclista a cay su so.



# DAMA HOPI BEBI TA CAUSA ACCIDENTE NA JABURIBARI



topa cu 2 auto, un Suzuki y un Toyota Passo.

Ambulance cu a presenta a bay duna asistencia na un persona cu a resulta herida y tawata traté na e sitio.

Polis di trafico a laga e chauffeur di e Toyota Passo supla y e machine a marca error, indicando cu e dama aki a bebe masha hopi mes y subi tras di stuur. Parse e lo sali di e Torneo Gubernamental andando.

Polis di trafico no a kede nada otro pa detene y pidi transportwagen.

Caminda muha y maneha bou influencia tawata e motibo di e accidente aki.

Transportwagen a yega y a hiba e dama chauffeur warda di Shaba.



Jaburibari - Diasabra den oranan di atardi polis y ambulance a bay altura di Parke Curason pa un accidente cu hende herida. Na yegada di polis di trafico y tambe Forensys ta



# TUR COMISARIO NOMBRA PA AVP DEN UTILITIES A KEDA RECHASA PA BANCO (LENDERS)

Oranjestad – Un escandalo nobo a rementa den scochi gobierno di AVP-Futuro. Informacion cu a yega na Solo Di Pueblo ta revela cu aparentemente tur comisario nombra pa AVP na Utilities N.V. a wordo rechasa pa e lenders (banco y prestamista) cu a financia e compania estatal. E lenders a pone condicion di prestamo, cu e comisarionan mester pasa screening y haya nan aprobacion. Wel, ningun a logra pasa!

Pero e bochincha no ta keda te ey. Ministro Geoffrey Wever mes a confirma den

Parlamento cu:  
“E nombramento di comisario no a pasa Consejo di Minister.”  
Esaki ta un violacion directo di e acuerdo di gobernacion 2025-2028, caminda AVP y Futuro a firma cu nombramento lo tuma lugar cu consulta y transparencia den ministerraad.  
Y awor?  
Gobierno lo mester cambia e personanan pa convence e lenders, of Aruba core riesgo di perde confianza



di e mundo financiero wordo informa. Gobierno cu tur consecuencia pa ta tene e asunto aki keto Utilities NV. keto.  
Y entre tanto: pueblo no ta Gerlien Croes, sali afo Ta exige Mike Eman y y conta pueblo loke ta pasando! Aruba ta merece transparencia, no secreto.

# IRAN TA CONSIDERA PA CERA PASE DI STRAIT OF HORMUZ: KICO ESAKI LO NIFICA PA MUNDO?

Oranjestad — Despues di e atake di Merca, Iran a duna un señal cu e ta considera sera e pase maritimo di Strait of Hormuz, un di e rutan maritimo mas importante pa transporte di petrolio y gas mundial. Esaki lo por tin consecuencia enorme pa e economia global.  
Efectonan Inmediato:

Petrolio lo subi drastico (mas cu 30% den un par di dia). Gasolin, coriente y awa lo bira mas caro na mundo. Barconan lo mester busca otro ruta (mas largo y costoso).  
Riesgo di Conflicto:

Merca y aliadonan lo protesta y hasta manda barco di guerra pa habri e canal  
Guerra comercial y tension entre Iran y Occidente lo aumenta.

E pregunta ta: Iran lo realmente sera e canal strait of Hormuz, of ta solamente un amenaza? Si e canal sera, mundo lo sinti e impacto mesora, incluso Aruba.





# VELOCIDAD HALTO A CAUSA CU UN HONDA A BOLTER DIABIerna ANOCHI



Green Corridor - Diabierna anochi automobilistanan riba e caminda di Green Corridor a informa di un accidente serio poco mas pabou di rotonde di Balashi(drive inn).

Polis ta haya informacion den careda di 10'or di anochi cu un auto a bolter na altura di e fabrica di Balashi.

Mesora varios unidad mesora a sali pa e sitio,



debi a papia di un accidente pisa.

Na yegada di polis nan ta topa cu auto Honda ariba su dak.

Paramediconan cu a yega prome segun nos a compronde, a ricibi ayudo di hendenan cu lo a mira kiko a sosode pa saca e ocupante.

E mesun testigonan aki a splica polis kiko nan a presencia, velocidad halto y maniobronan desproporcional a causa cu e auto a bolter.

Despues di e a wordo saca di e vehiculo e chauffeur



a wordo transporta pa Hospitaal.

Den oranan di diasabra

marduga a sosode un otro accidente serio mas pabou riba e mesun caminda.



# Parlamentario Dangui Oduber: FRACCION DI MEP A PIDI UN REUNION PUBLICO CU MINISTER WYATT RAS KETO BAY PUEBLO PAGANDO PA 92 REMEDI!

Nos por corda con Partido AVP a presenta nan 10 punto di accion durante campaña cu manera nan drenta gobierno den e prome 100 dianan di gobernacion nan lo kita tur remedi riba e lista positivo y ningun hende lo mester paga pa ningun remedi mas.

Minister Wyatt Ras ta un di esnan cu a grita, instiga y priminti cu si nan drenta ningun hende lo mester paga pa remedi. Awe e realidad ta otro, awe ironia di bida ta cu e propio minister Wyatt Ras a dicidi pa keda cobra pueblo pa 92 remedi.

Pa es motibo nos a pidi un reunion publico cu minister Wyatt Ras pa asina por debati riba su mal decision cu ta perhudicando nos pensionadonan, muchanan special y te hasta hendenan cu problema cu salud mental. Tur votado riba e pais aki a wordo gaña y manipula pa e gobierno di AVP sin Futuro. Henter campaña tanto Partido AVP como Partido Futuro a haci e promesa na pueblo si nan drenta den gobierno, NINGUN hende mas mester paga pa NINGUN remedi.

Nan a crea e expectativa aki, hende a kere nan y awe e realidad ta otro. Awe keto bay pueblo ta pagando pa 92 remedi manera e propio minister Wyatt Ras mes a confirma apesar cu AZV tin un SURPLUS di 106 miyon florin. Awe na aña 2025 e situacion ta diferente cu tempo AZV no tawata tin fondo. Awe AZV tin un surplus di 106 miyon florin, awe no tin ningun instruccion di Hulanda pa corta 60 miyon florin den cuido, awe no por tin ningun pero ningun hustificacion mas pa minister Wyatt Ras sigui castiga nos

pensionadonan y pueblo di Aruba. Es mas pa aña 2025 e surplus di AZV lo ta 51 miyon florin y pa aña 2026 45 miyon florin.

Awe te hasta pa personanan cu limitacion fisico, hendenan special remedi ta wordo kita for di nan. Na un forma sin escrupulo minister Wyatt Ras ta pone pueblo paga pa remedinan siendo tin placa na abundancia na AZV. Pensionadonan ta yega counter na boticanan y laga remedinan atras y bay cas sin nan medicamento. Awe nos kier puntra gobierno dicon? Dicon cu awe tin tanto placa ta sigui abusa y castiga pueblo y forsando nan pa paga pa remedinan? Nos pueblo ta exige no solamente un splicacion pero un decision di minister Wyatt Ras pa ehecuta e decision di ex minister Oduber pa percura pa NINGUN pensionado mester paga pa ningn remedi. Ta ironico cu awe net minister Wyatt Ras cu tanto tawata papia di e consecucionan di laga hende sin remedi ta lagando pueblo sin 92 remedi cu mester paga pa nan. Un gobierno cu ta malgasta placa cu tin enbes di yuda pueblo ta un gobierno abusador.

Na un forma insolito minister Wyatt Ras no ta give a damn cu pensionadonan y ta sigui cobra pa remedinan. Aki bou tin algun ehempel di remedinan cu pueblo ta pagando pa nan keto bay:

- Paracetamol
- Dica
- Noscapine
- Daflon
- Venuroton
- Fluimicil
- Lozopan
- Oogdruppels

Esaki ta pa menciona algun di e



92 remedinan cu NO ta wordo cubri mas y cu pueblo mester keda PAGA pa nan!

Cu un AZV cu mas di 200 miyon florin proyecta di surplus pa siguiente añanan (2025-2026) NO por acepta cu ainda ta cobra pueblo pa remedinan. Minister Wyatt Ras mester cambia e decision

aki awe mes! Nan a kibra nan promesa di campaña, nan a gaña nos grandinan y nan a hunga cu nan sentimentonan! Pueblo ta exige nan remedinan bek awor cu AZV tin placa na abundancia. Nos lo keda insisti pa cambia e decision di minister Wyatt Ras bin parlamento y cambia su decision. Ta inacceptabel cu AZV tin miyones

## Clasificados

SOLODIPUEBLO@GMAIL.COM

CEL.585 9500



# DAMA HERIDA DEN ACCIDENTE NA SABANA LIBER



Sabana Liber - Diasabra merdia den careda di 1'or ambulance y polis a bay e crusada conoci di Sabana Liber pa un accidente cu hende herida.

Polis ta yega y ta topa cu e dos autonan, un Toyota Vitz y un Ford suv. E dama chauffeur di e Vitz ta esun cu a resulta herida y mester a ricibi atencion medico.

Polisnan di trafico tambe a yega pa atende cu e accidente. Segun nos a compronde, e dama chauffeur di e Ford lo no a mira e Vitz y a subi dal e.

Paramediconan cu a presenta a trata e dama chauffeur di e Vitz na e sitio mes. E dama lo a keda di bay dokter na warda mas atardi tambe.

Daño material ta considerabel.



# DEN ORA DI MARDUGA, ALGUN PERSONA A TOPA CU AUTO GEBOLTER RIBA GREEN CORRIDO



Green Corridor - Diasabra marduga den careda di 4'or di marduga algun persona a topa cu un auto cu a bolter y un persona benta pafo di e auto.

Mesora a avisa autoridad y demas unidadnan di rescate. Bomberonan

tambe a presenta, debi cu segun e ocupante lo tin un persona mas cu ne. Pero a busca y no a bin haya niun hende.

Pues un un accidente serio unda cu un vehiculo debi na velocidad hopi halto a keda totalmente destrui,

unda cu debi na e impacto posiblemente despues di a bolter varios biaha a saca e ocupante.

Paramediconan a transport'e pa Hospitaal.

Ariba caminda a keda un monton di cos gespart.



# MERCA A ATACA TRES INSTALACION NUCLEAR DI IRAN: TRUMP A ANUNCIA CU E OPERACION TA EXITOSO

A usa avionnan B-2 Mericano pa ataka Fordow, Natanz y Esfahan; Tur aeronave a regresa

WASHINGTON, D.C. — Presidente Donald Trump a confirma oficialmente via su cuenta di Truth Social cu Forza Aerea Mericano a realisa un atake aereo exitoso contra tres instalacion nuclear clave den Iran, especificamente den e localidadnan di Fordow, Natanz y Esfahan.

Detayenan di e operacion militar Segun fuente oficial di gobierno Mericano y reporte di Reuters, e atake a ser hiba dor di bombarderonan estratégico B-2, cu anteriormente a ser reubica na e base militar Mericano den e territorio di Guam (Océano Pacífico). E avionnan aki ta diseña pa transporta e famoso “bomba bunker-buster GBU-57”, un tipo di explosivo pisa cu por penetra hasta 90 meter bou di tera, ideal pa destrui e facilidad nuclear subterráneo di Fordow.

“Nos a completa nos operacion

militar exitoso contra e tres sitio nuclear di Iran. Tur avion a sali di espacio aereo Iraní sin problema y actualmente ta na caminda pa nan base,” Trump a declara den su mensahe.

Posibel impacto y consecuencia internacional

Respuesta di Iran: Autoridadnan Iraní aun no a reacciona oficialmente, pero expertonan ta spera un contra atake, ya sea via grupo di milicianan aliado of un atake directo.

Petrolío y Economía Global: Si Iran decidi di sera e pase marítimo Strait of Hormuz of ataca instalacion petrolero di paisnan bisiña, e mercado mundial di petrolío por enfrenta un subida drástico di prijs.

Tension Geopolítico: Organisacionnan internacional manera e ONU y OTAN probablemente lo convoca un reunion di emergencia pa discuti e escalacion di violencia.

Opinion di expertonan  
Analista Militar: E uso di bom bunker-buster ta indica cu Merca



tabatin inteligencia preciso riba e localisacion exacto di e sitio nuclear Iraní.

Experto den Relacion Internacional: Esaki ta un wega peligroso; Iran por usa esaki como excusa pa intensifica su programa nuclear en vez di para

Historia entre Merca cu Iran  
E confrontacion entre Merca y Iran tin mas cu 40 aña, pero e tension a incrementa significativamente desde cu Trump a retira Merca di e Acuerdo Nuclear di 2015. Iran desde e tempo ey a aumenta su produccion nuclear alegando cu

e pais tin e derecho pa desaroya energia nuclear pacifico.

Yamanda pa calma y vigilancia  
Mientras gobierno Mericano ta celebra e exito di e mision, paisnan alia manera Reino Uni, Alemania y Francia ta pidi pa moderacion, temiendo un guerra regional grandi. Na Aruba y resto di Caribe, e enfoca principal ta riba e impacto economico, ya sea via subida di prijs di combustible of interrupcion di comercio internacional.

## ACCIDENTE ENTRE TREKKER Y AUTO DI FAMILIA



Paradera - Diasabra mainta pasa di 9'or a sosode un accidente entre un trekker y un Chevrolet SUV poco pariba di Paradera Gas Station.

No mucho duidelijk con e accidente a sosode, pero danki Dios no tawata tin hende herida.

Forensys a presenta pa por a atende cu ambos partido.





# PAMAC 2025: TURISMO CRUCERO TA APORTANDO MUCHO MAS NA NOS ECONOMIA



“This was the best PAMAC ever”, asina e participantenan a expresa na momento di subi e catamaran na final di e ultimo evento organisa riba Renaissance Island. Ministerio di Turismo, Aruba Ports Authority N.V. (APA) y Aruba Tourism Authority (A.T.A.) ta orguyoso di tabata anfitrion oficial di e conferencia di crucero Platinum Associate Membership Advisory Council (PAMAC) 2025,

un di e eventonan mas importante y reconoci pa e industria crucero na Norte America, Latino America y Caribe. E evento ta organisa door di Florida-Caribbean Cruise Association (FCCA).

Diahuebs anochi riba Renaissance Island a tuma luga e ultimo evento cu a hiba e number di “Let’s Flamingle”. Aki tur e invitadonan a presenta den nan miho vestuario color ros pa un dinner y recepcion

di clausura. Marc Figaroa, director di APA, a expresa cu ATA y APA ta hopi orguyoso cu a logra surpasa tur expectativa tanto di e ehecutivonan di crucero como di e demas participantenan. Cada reunion y evento, e ekipo organizado a ricibi palabra di elogio for di e invitadonan.

Un di e mihonan E reunionnan ta masha importantepa Aruba Ports Authority N.V. (APA) y pa Aruba Tourism Authority (A.T.A.), pa motibo cu kier tende tur e logronan pero tambe unda mester mehora. Aruba tin cierto puntonan pa refleha riba dje. Durante a reunionnan e ehecutivonan a indica cu nan ta compronde dicon Aruba ta keda un di e mihonan den Caribe. Ora cu nan haci nan sondeo di mercadeo, Aruba ta sali number 1 of number 2, esey ta indica dicon Aruba mester ta riba nan itinerario.

Interes den Aruba Aruba tin hopi perspectiva. Di parti di APA y A.T.A. a papia cu tur linea crucero y a base di e reunionnan y pues resultadonan di PAMAC, entre otro, desaroyo futuro ta muestra di ta positivo. A enfoca riba e metanan principal cu ta alarga estadia den puerto, agrega bishitanan durante temporada abou, atrae mas lineanan chikito/luhoso y a papia tocante diferente aspecto enfocando riba e topico di ‘sostenibilidad’. Pa loke ta temporada abou;



ta trahando riba un balans pa e fluho di pasahero cu ta biniendo pa Aruba. E high season ta entre e lunanan di december, januari, februari y maart. Ta trahando pa balansa un poco mas pa e cruceronan por bin Aruba entre e lunanan di juli, augustus y september cu ta e low season di crucero.

Desaroyo positivo

Den luna di november APA lo tin un first call di un barco nobo di Virgin Voyages. Virgin ta keda un linea popular, anochi nan ta cende e “I love Aruba” riba e barco ora nan ta na nos waf. Ademas tin mas liña crucero den desaroyo pa aña 2027 - 2028. Otro aña Aruba lo yama bonbini na e Icon Class cu ta e “Legend of the Seas” di Royal Caribbean. E desaroyonan

aki ta hopi positivo pa APA. Ta monitorear e tensionnan globalmente pa asina por prepara di un manera cauteloso.

Mas sostenibilidad Patrick Melchior, kende ta e “Destination Services Manager” na Aruba Tourism Authority, ta mira atras riba un siman yena di reunionnan,

hopi encuentro, hopi networking y mas cu tur cos, cu Aruba a haña un tremendo oportunidad pa por muestra nos miho cara. “Nos a demostra na henter e industria kico nos tin aden como destinacion. Y esey a cay den masha bon tera mes”, asina e ehecutivo di A.T.A. a duna di conoce. Durante e reunionnan a enfoca hopi riba sostenibilidad y mira



con e mundo crucero por co-existi cu e mundo di huespednan stayover y con conhuntamente por enfoca mas riba un desaroyo sostenibel.

Bista riba luho Crucero mas chikito pero luhoso ta den e plannan di Aruba Toursim Authority. Ta trahando riba e publico cu tin mas poder di compra. E barconan mas chikito y mas luhoso ta esunnan cu A.T.A. ta bayendo tras di dje, danki na e poder di compra cu e pasaheronan ta conta cu ne. A.T.A. por mira cu esaki a duna resultado den e temporadanan anterior.

Experiencia unico Patrick Melchior a expresa cu durante PAMAC 2025 tabatin algun ehecutivo cu a bin Aruba pa prome biaha of te hasta tin algun cu a bin Aruba despues di hopi aña y nan a mira un cambio hopi grandi. E experiencia cu APA y

A.T.A. a ofrece nan, tabata unico. E organisadonan a ricibi hopi elogio for di e ehecutivonan.

Aruba su proyeccion pa 2025 Pa e aña aki, ta pronostica cu Aruba lo yama bonbini na 358 barco crucero y rond di 920.000 pasahero. Di e cantidad di pasahero cu lo yega, e mayoria (25%) ta cu Carnival Cruise Line, sigui pa Royal Caribbean (21.4%), Princess Cruises (10.9%), Norwegian Cruise Line (9.8%), Celebrity Cruises (8.7%), etc. Pa loke ta e cantidad di pasaheronan, na aña 2019 prome cu pandemia, tabatin 831.399 pasahero y e aña aki ta yega rond di 920.000, cu ta un crecimiento impresionante. Aña pasa e industria di crucero a aporta na 133 miyon dollar den nos economia, di cual 93.70 miyon dollar tabata e parti di e pasahero mes y 8.50 miyon dollar ta bin di parti di e crew abordo.

Den comparacion, Aruba (\$131.05) ta na di cinco luga den Caribe pa loke e turista ta gasta na nos isla, despues di Panama (\$190.61), US Virgin Island (\$166.22), St. Maarten (\$163.45) y St. Kitts (\$145.08). Pa loke ta e loke e tripulacion ta gasta riba nos isla (\$86.43), nos ta score na di dos luga, despues di St. Maarten (\$117.97). Di tur e pasaheronan cu a yega Aruba aña pasa, un promedio di 83% a baha na waf y a subi nos isla.

Otro aña E siguiente PAMAC lo ta otro aña pero e destinacion no ta conoci ainda, pero tur cos ta indica si cu Aruba a ‘set the bar high’ pa e siguiente organisacion.

E reunion di FCCA Cruise Conference mes lo tuma luga na Puerto Rico den luna di october y APA conhuntamente cu A.T.A. lo forma parti tambe pa sigui cu e desaroyonan.



E BON NOTICIA

MARIA MAMA DI IGLESIA?

Den Bijbel Genesis 3: 14-16, Dios Tata a bisa na e colebra satanas: “Lo Mi trece enemistad entre abo y e muher, entre bo descendiente y entre e descendiente di e muher. E muher cu su descendiente lo trapa riba bo cabes y lo bo lastra bao di su pia.” Akinan e muher ta Maria, cu a obedece Dios y a acepta di ser Mama di E Salvador. Maria Su descendiente ta, Cristo-Hesus y tur e sigidornan den Cristo-Hesus Su Iglesia. E descendiente di e colebra satanas ta esnan den secta cu no ta acepta Maria y ta persigi Cristo-Hesus Su Iglesia. Den Bijbel Revelacion 12: 17: “Anto e dragon a rabia contra e muher y e’l a bai hasi guerra na e demas yiunan di e muher.” Akinan e diabel tin rabia riba Maria y e diabel ta persigi y ataca e yiunan di Maria den e Iglesia di Cristo-Hesus. Den Bijbel Lucas 1: 41-43, akinan Maria a bishita Su prima Elizabeth y Elizabeth a keda yena cu Spirito Santo y a bisa: “Di unda mi ta merese e honor cu Mama di mi Senjor ta bishita mi?” P’esey Maria ta wordo yama Mama di Dios, pasobra Su Yiu Hesus ta E di dos Persona di E Santisima Trinidad. Y den Bijbel Huan 20: 28, akinan Apostel Thomas ta expresa na Hesus: “Mi Senjor y Mi Dios.” Akinan e palabra Senjor ta significa Dios, pesey Maria ta Mama di Dios. Den Bijbel Huan 19: 25-27, akinan Hesus na Crus klab a bisa: “Mama, ata bo yiu eynan y despues E’l a bisa Huan: Ata bo Mama eynan.” Akinan Hesus ta ofrece nos Su Mama Maria, pa nos stimel’E, pa nos honrel’E

y pa nos acepta Maria como nos Mama. Manera cu e Apostel Huan a acepta Maria como su Mama y e Apostel Huan ta representa e Iglesia di Cristo-Hesus, pesey Maria ta Mama di Iglesia. Den Bijbel Revelacion 12: 1, ta bisa: “Un senjal grandi a aparece na Cielo: un Muher bisti cu solo, cu luna bao di su pianan y riba su cabes un corona di diesdos strea.” E Muher bisti di solo ta Maria y e corona di diesdos strea ta simbolisa, e oficio Real den Reino di Cielo. E significacion di solo, luna y streanan, den Bijbel Genesis 37: 9-11, akinan e Profeta Jozef ta sonja di mira con, solo, luna y streanan ta buig su dilanti y esaki ta simbolisa, Reinado y Autoridad. Den Bijbel 1 Reynan 2: 19-20, ta bisa: “Ora cu Betsabe, e mama di Rey Salomon a drenta den e sala di e Rey, pa papia cun’e ariba asunto di Adonias, e Rey a lanta pa ricibi su mama y a buig su dilanti. Despues e’l a bai sinta riba su trono y a duna ordo pa nan trece un stoel di trono pa su mama, e mama a sinta na man drechi di su yiu Rey Salomon y a bis’e: Mi kier a pidi bo un fabor chikito, mi no ta spera cu bo lo nenga mi. Rey Salomon a contesta: Mi mama, pidi mi loke bo kier, lo mi no nenga bo.” Akinan e mama di Rey Salomon a haya un trono, pa sinta na man drechi di su yiu Rey. Tambe Betsabe a pidi su yiu Rey Salomon fabornan pa Adonias y Rey Salomon a contesta su mama: “Mi mama, pidi mi loke bo kier, lo mi no nenga bo.” Akinan Betsabe tabata abogada y intercesora pa Adonias y

pa otrotronan. Akinan tambe Maria a intercede, pa e pareha recien casa na boda di Cana na Galilea na unda cu binja a caba, Bijbel Huan 2: 1-10. Mama Maria den Cielo ta nos abogada y intercesora pa tur Su yiunan den Iglesia di Su Yiu Hesus y Hesus Rey di Universo, lo no nenga Su Mama fabornan. Conclusion: Na ora di nos morto, nos tur tin cu presenta individualmente dilanti di tribunal den Cielo pa ser husga, dilanti di trono di Hesus Rey di Universo. Awor, na esnan den secta cu no a acepta Maria, ta ken bo ta kere di mira tambe sinta na Su Trono na man drechi di Rey Hesus? Wel, lo bo mira Maria sinta na Su Trono, como Reina di Cielo y di Tera, bisti cu Solo, Luna bao di Su pianan y riba Su Cabes un Corona di diesdos Strea. E prome palabra cu Hesus Rey di Universo lo bisa bo ta, bo a honra Mi Mama, bo a venera Mi Mama y bo a stima Mi Mama, manera Mi ta stimel’E? Tambe Hesus lo bisa bo, Mi a ofrece bo Mi Mama, den agonía na Crus claba, lesa Bijbel Huan 19: 25-27. Nunca no ta laat pa sa e berdad y pa cambia bida. Un mensahero di Dios. Scirbi pa Seferino Tromp


Clasificados

















SOLODIPUEBLO@GMAIL.COM


CEL.585 9500



















Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado: Sorteo di Anochi - June 22, 2025

<div></div> <div>Sorteo # 8576</div> <div>4486</div> <div>6122</div> <div>7136</div> <div></div> <div>FP</div> <div></div> <div>Sorteo # 7620</div> <div>4718</div> <div></div> <div>X2</div> <div></div> <div>Sorteo # 2325</div> <div>5044</div> <div></div> <div>Sorteo # 6379</div> <div>4299</div> <div>Leo</div> <div></div> <div>Sorteo # 1309</div> <div>730</div> <div></div> <div>X2</div>	<div></div> <div>Sorteo # 2603</div> <div>0 x Jackpot</div> <div>1 x Match 4+</div> <div>7 x Match 4</div> <div>238 x Afl. 12,00</div>	<div>01-13-14-20-25</div> <div>Joker 28 Letter L</div> <div>Proximo Jackpot</div> <div>170.000,-</div>
<div></div> <div>Sorteo # 6863</div> <div>0 x Jackpot</div> <div>3 x Match 4</div> <div>132 x Afl. 8,00</div>	<div>01-02-09-20-30</div> <div>Proximo Jackpot</div> <div>60.000,-</div>	
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div>	<div>Mega Ball</div> <div>Proximo Jackpot</div> <div>600.000,-</div>	
<div></div> <div>Afl. 900.000,-</div>	<div></div> <div>Sorteo #</div>	<div></div>



Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado: Sorteo di Merdia - June 22, 2025

<div></div> <div>Sorteo # 4657</div> <div>0048</div> <div>8575</div> <div>7592</div> <div></div> <div>fp</div> <div></div> <div>Sorteo # 4657</div> <div>5876</div> <div></div> <div>x3</div> <div></div> <div>Sorteo # 2713</div> <div>5372</div> <div></div> <div>Sorteo # 4657</div> <div>0731</div> <div>Scorpio</div> <div></div> <div>Sorteo # 1531</div> <div>090</div> <div></div> <div>fp</div>	<div></div> <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div>	<div>Joker Letter</div> <div>Proximo Jackpot</div> <div>160.000,-</div>
<div></div> <div>Sorteo #</div> <div>0 x Jackpot</div> <div>0 x Match 4</div> <div>0 x Afl. 8,00</div>	<div>Proximo Jackpot</div> <div>58.000,-</div>	
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div>	<div>Mega Ball</div> <div>Proximo Jackpot</div> <div>600.000,-</div>	
<div></div> <div>Afl. 900.000,-</div>	<div></div> <div>Sorteo #</div>	<div></div>



# BESTUURSKANTOOR CU LUZ BLAUW DEN SOLIDARIDAD CU REFUGIADONAN RIBA DIA MUNDIAL DI REFUGIADO 2025



Den un gesto di union y compasion, diabierna 20 juni, a ilumina Bestuurskantoor cu color blauw anochi pa conmemora Dia Mundial di Refugiado 2025, uniendo cu varios sitio iconico rond mundo pa honra e forsa, determinacion y derecho di refugiadonan. Ta celebra Dia Mundial di

Refugiado mundialmente riba 20 di juni, pa honra e balentia di hendenan cu a wordo obliga pa hui y ta reconoce nan derecho na seguridad, dignidad y oportunidad. E iluminacion di Bestuurskantoor ta sirbi como un simbolo visibel di solidaridad di Aruba cu mas di 120 miyon di hende

rond mundo cu tin cu hui for di nan cas pa motibo di conflicto, persecucion y crisis climatico. E acto aki tambe ta refleha e compromiso continuo di e isla pa crea un sociedad cordial y inclusivo pa migrantenan forsa pa bandona nan pais. E conmemoracion e aña aki, organisa pa

United Nations High Commissioner for Refugees (UNHCR) den colaboracion cu Gobierno di Aruba, a uni funcionarionan gubernamental, sociedad civil, partnernan social internacional y representante di refugiadonan bao di tema di solidaridad, inclusion y humanidad comparti. E programa, teni na oficina principal di Gobierno na Oranjestad, a conta cu un discurso di Irene van Rij, Hefe di oficina di UNHCR na Aruba, cu a enfatisa riba e importancia pa para hunto cu refugiadonan y di reconoce nan potencial y contribucion. “Dia Mundial di Refugiadonan no ta solamente un momento di conmemoracion, e ta un yamada pa accion,” van Rij a bisa den su discurso. “E luz blauw riba nos Bestuurskantoor anochi ta un muestra di speransa y un recordatorio cu Aruba ta para cu refugiadonan.” E evento tabatin un historia inspirado di integracion comparti pa Raquel Lampe, Director di Colegio Filomena (Ciclo Basico), y un discurso di Minister di Salubridad Publico drs. Mervin Wyatt-Ras.

Raquel Lampe e conta e storia inspirado di Angel, un hoben cu a bin Aruba cu 8 aña y cu a mira e oportunidad den un pais nobo pa progresa. Apesar di tur e retonan cu e hoben tabata enfrenta tur dia, leu for di pais di origen, leu di su mayornan y den un pais nobo, idioma y custumbernan desconoci, e hoben aki, 10 aña despues di a yega Aruba, a gradua

na Colegio Filomena como e miho graduado cu puntanan excelente. Esey ta determinacion y resiliencia.

Segun Minister Wyatt-Ras “E luz blauw cu ta briya anochi no ta solamente un simbolo di UNHCR. E ta un luz cu ta recorda nos ken nos ta y ken nos ta yama pa bira: un sociedad cu no ta bira su cara pa sufrimento, un gobierno cu ta defende dignidad y husticia, un pueblo cu ta kere den e Bon Comun, no solamente pa nos mes, pero pa tur esnan cu ta busca seguridad riba nos costa.”

“Mientras cu nos ta ilumina simbolicamente e edificio di gobierno na color blauw, laga e luz ilumina algo mas profundo den nos mes: nos consciencia, nos compasion y nos compromiso cu dignidad humano”, Minister Wyatt-Ras a expresa.

E apoyo continuo di Aruba y su politica inclusivo, specialmente pa Venezolanonan cori for di nan pais, a demostra e liderazgo di e isla den proteccion y integracion di refugiadonan.





# INDUSTRIA CRUCERO CU DONACION DI 20 MIL DOLLAR NA KINDERHUIS IMELDAHOF

Durante e reunion general di PAMAC (Platinum Associate Membership Advisory Council) cu a tuma luga diaranson, a presenta un check di donacion balora na 20.000 dollar na Kinderhuis Imeldahof. E contribucion generoso aki a bin di Florida-Caribbean Cruise Association (FCCA), cu 50% di e donacion financia pa Centro Aquila pa Excelencia den Crucero. Beth Hatt, e fundado di Aquila, ta un miembro platinum respeta di e Florida-Caribbean Cruise Association (FCCA). E donacion aki ta den colaboracion estrecho cu e partnernan local, Aruba Ports Authority N.V. y Aruba Tourism Authority.

FCCA Foundation ta e area di accion social di e asociacion di crucero y ta dedica na mehora bida di e muchanan y e famianan den henter Caribe y Latino America. Door di traha estrechamente cu liñanan crucero, partnernan di destinacion y stakeholdernan di industria, e fundacion ta sostiene un rango amplio di iniciativa, incluyendo den educacion, alivio despues di un calamidad y desaroyo di comunidad.

E donacion na Kinderhuis Imeldahof ta refleha e compromiso continuo aki pa duna bek na e comunidadnan cu ta aporta asina hopi na e experiencia crucero.

Aruba Tourism Authority (A.T.A.) tambe ta traha estrechamente cu Aquila y pa varios año, a organisa varios sesion di entrenamiento pa stakeholdernan local pa fortalece e preparacion



pa crucero y calidad di servicio di e destinacion.

E trainingnan aki ta financia completamente door di A.T.A. y ta ofreci anualmente na e partnernan den henter e sector, for di operadonan di tour y e agentenan di waf te na e companianan di transporte y restaurantnan.

Apenas dialuna cu a pasa, como parti di e lead-up pa PAMAC, A.T.A. a organisa un entrenamiento dedica pa su partnernan clave. E sesion di un ora y mey dirigi pa Aquila, a enfoca riba e industria di crucero awendia, investigando y preparando cu anticipacion, saca e maximo probecho for di bo reunionnan, e miho practicanan pa presenta bo producto, rednan mas leu cu e reunionnan y

tambe e importancia di 'follow up' na tempo.

Ademas di e sesion mas recien aki, e topiconan di entrenamiento den pasado tambe a inclui sostenibilidad reflehando e enfoke comparti di e industria crucero y Aruba riba turismo responsabel como tambe maneho di riesgo, sigurando cu tur partner local ta bon ekipa pa cumpli cu e normanan y e expectativanan evolucionando di e sector di crucero.

Tocante FCCA Florida-Caribbean Cruise Association (FCCA) ta un organisacion comercial sin fin di lucro cu ta consisti di 23 liña miembro cu ta opera casi 200 barco den laman di Florida, Caribe y Latino America. Funda na año 1972, e meta di FCCA ta pa provee un

foro pa discucion riba operacionnan di crucero, desaroyo turistico, wafnan, operacionnan di tour, seguridad y otro asuntunan di e industria crucero. Door di fomenta mas comprendemento di e industria di crucero y su practicanan di operacion, FCCA ta busca pa construi relacionnan cooperativo cu su destinacionnan partner y pa desaroya partnershipnan bilateral productivo cu cada sector. FCCA ta traha cu gobiernonan, wafnan y tur representante di sector priva/publico pa maximisa gastonan di pasahero crucero, liña crucero y empleadonan di liña crucero, y tambe mehora e experiencia di destinacion y e cantidad di pasaheronan crucero cu ta regresa como bishitante stay-over despues.

Cruceronan miembro: AIDA Cruises, Carnival Cruise Lines, Celebrity Cruises, Costa Cruises, Cunard Line Ltd, Disney Cruise Line, Explora Journeys, Hapag-Lloyd Cruises, Holland America Line, Margaritaville At Sea, MSC Cruises, Norwegian Cruise Line, Oceania, Cruises, Cruises Princess Cruises, Regent Seven Seas Cruises, Silversea Cruises, Royal Caribbean International, Seabourn, SeaDream Yacht Club, TUI Cruises, Virgin Voyages y Windstar Cruises.

**Clasificados**

SOLODIPUEBLO@GMAIL.COM  
CEL. 585 9500

SOLO Di Pueblo



**Parlamentario Jennifer Arends-Reyes:**

# “PA 80 AÑA ATIA TA APORTA NA E PROGRESO COMERCIAL Y LABORAL RIBA NOS ISLA”



ORANJESTAD (22 di juni 2025) – Na ocasion di e 80 aniversario di Aruba Trade & Industry Association (ATIA), Parlamentario Jennifer Arends-Reyes ta felicita e organisacion pa su consistencia, liderato y contribucion valioso na desaroyo economico y comercial di nos pais. “For 80 aña, ATIA a sirbi como un pilar fundamental den nos economia, un plataforma cu ta uni sector priva y duna nan e bo bos necesario pa influencia politica y decisionnan clave,” Arends-Reyes a declara. “Un organisacion no ta existi pa tanto tempo si e no tin balor real y un rol sostenibel den un

comunidad.”

ATIA a cuminsa su caminda na 1944 y for di e momento ey ta crece hunto cu Aruba, adaptando su rol segun e reto y necesidadnan di cada epoca. Su input den tema manera reforma legal, estabilidad laboral, y desaroyo empresarial a duna forma na hopi decision di impacto pa sector comercial. “Tur gobierno a haya balor den e dialogo cu ATIA. Nan bos ta representa e motor economico di Aruba,” segun Arends-Reyes. Di manera special, e parlamentario a resalta e rol cu ATIA a tene den mantene un balansa riba mercado laboral. “Den



momento di reto, manera pandemia of presion di inflacion, ATIA a sigui traha pa busca solucion sostenibel. E dialogo cu nan ta lanta entre empleadonan y dunado di trabou ta esencial pa estabilidad,” e ta indica. E anochi di celebracion cu ATIA a organisa pa su miembro y colaboradonan no tabata solamente pa marca un fecha historico, pero tambe pa reflexiona riba loke a logra hunto. “Un anochi cu ta honra esunnan cu a contribui y cu ta duna motivacion pa wak futuro cu pasion y determinacion,” Arends-Reyes a agrega. Como lider di fraccion di AVP den parlamento, a asisti na e conmemoracion di e aniversario y ta reafirma su compromiso pa sigui

traha den colaboracion cu institucionnan manera ATIA pa promove un economia fuerte, diversifica y sosteni. “Mi ta sigur cu e proximo 80 aña lo trece mas

innovacion, crecemento y desaroyo. ATIA ta yega e milestone aki cu orguyo y nos pueblo ta gradici tur trabou cu ta haci pa avansa Aruba,” Arends-Reyes a conclui.

## HOTLINE



744-0444

CAPT'E  
Y MAND'E





# Minister Geoffrey Wever: LEY DI PROTECCION DI CONSUMIDOR APROBA UNANIMAMENTE PA PARLAMENTO DI ARUBA

Oranjestad, Diabierna atardi Parlamento di Aruba, a trata e ley Landsverordening Bestuursrechtelijke Handhaving Consumentenbescherming cu Minister Geoffrey Wever a presenta pa aprobacion. Cu e Ley aki Aruba Fair Trade Authority (AFTA), banda di tin e autoridad pa regula e mercado pa competencia husto, evitando formacion di cartel di negoshi y acuerdonan ilegal di prijs, awor AFTA ta ricibi un rol crucial den proteccion di e consumidor, cu mas poder pa actua contra abuso y violacion sistematico di derecho di e consumidor.

"Awo Aruba a drenta un temporada nobo unda nos por ofrece proteccion na e consumidor", minister Geoffrey Wever acuminsa bisa, "E consumidor ta un actor sumamente importante den nos economia y lamentablemente pa hopi aña no a haya atencion. Awor cu e ley nobo aki e consumidor lo haya e proteccion huridico cu e merece. E intencion ta cu e ley ta drenta na vigor 1 oktober 2025."

Minister Wever a presenta e Landsverordening Bestuursrechtelijke Handhaving Consumentenbescherming despues di mas o menos 18 luna

di trabow intensivo, y diabierna e ley a wordo aproba unanimante, pues fraccion di AVP, FUTURO, MEP y PPA a vota na fabor.

Riba iniciativa di Minister Geoffrey Wever AFTA a bira operacional 1 januari 2024, cu e tarea principal pa preveni cu empresanan cu tin monopolio trata nan clientenan inhustamente loke riba su mes ta facil ya cu den caso di un monopolio, e cliente no tin otro opcion, ya cu no tin otro empresa ta ofrece e servicio of producto. Tambe AFTA por actua ora cu companianan ta bin hunto y traha deals pa parti e mercado, dus cu ta dicidi hunto con nan ta ofrece servicio y na cua prijs, pues stroba competencia husto. Competencia husto na final di dia tin como consecuencia cu e consumidor ta haya miho prijs pa producto y servicio.

Awor cu e Landsverordening Bestuursrechtelijke Handhaving Consumentenbescherming a drenta navigoresakitatrecevarios cambio clave pa e consumidor. E cambionan aki ta significa cu AFTA por investiga y tuma accion contra propaganda falso, manipulacion di consumidor, of producto y servicio cu no ta cumpli cu su calidad prometi y



no ta duna garantia. AFTA por actua y sanciona (si mester) esnan cu no ta cumpli cu e derecho di e consumidor.

Consumidornan ta haya un portal digital, unda nan por haya informacion riba nan derecho, y den caso cu e consumidor ta sinti cu a viola su derecho, e por entrega un keho di forma mas facil. Si ta resulta cu ta un patronchi sistematico, AFTA tin tur autoridad pa actua. Si ta un keho individual AFTA lo referi e keho aki pa Departamento

di Asuntonan Economico cu lo guia e consumidor den e caso individual.

Minister Wever kier a gradici tur e profesionalnan cu a traha duro pa por a logra traha e ley aki y cu awe Aruba tambe tin su ley pa proteha cada consumidor y tambe ta gradici e fraccion di AVP, FUTURO, MEP y PPA pa sostene e ley aki. Pa tur informacion tocante e ley nobo aki y kiko e ta significa pabo por bishita e website di AFTA riba [www.afta.aw](http://www.afta.aw).

**Clasificados**

**SOLODIPUEBLO@GMAIL.COM**  
**CEL. 585 9500**

**SOLO Di Pueblo**  
BRIYANDO FUERTE • TRECIENDO CLARIDAD

**UN BITTER DI MAS...**

**POR STROBA BO DI YEGA CAS.**

**E DECISION TA DEN BO MAN**

**#AMICODIDI**  
DON'T DRINK AND DRIVE



# TIENDA DI EDUCACION: AMOR INCONDICIONAL



Tin amor propio, tin amor pa bo prohimo pero tambe tin amor pa bo yiu(nan) cu ta un amor incondicional. Luna di februari ta conoci pa ta e luna di amor y amistad. Como mayor tur dia ta un dia di duna amor pa sea e baby e mucha of e adolescente. No solamente cu palabra, pero tambe cu hecho nos por demostra cu di berdad nos ta stima nan. Ta importante pa ora di muestra nan e amor cu nos tin pa nan pa busca e contacto visual pa asina confirma y fortifica e palabranan di stimacion.

**Amor incondicional**  
Kico nicifa amor incondicional realmente? Amor incondicional significa un amor caminda no ta conoce limite of no tin condicion mara na esaki. E por wordo yama tambe amor cu compassion of wordo asocia cu amor completo. Pensa ariba e amor cu bo mayor(nan) kisas tabata of tin pa bo y naturalmente e amor cu abo mes como mayor tin pa e yiu(nan). Como mayor ta importante pa duna amor na e yiunan pero esaki no significa cu lo laga e yiu(nan) haci locual cu nan kier. Pues mester pone regla y limitacion cerca e yiu(nan) pa nan mesun proteccion. Esaki tambe ta parti di amor y lo mester wordo practica di un edad jong of for di baby caba.

Kisas ta dificil pa bisa e mucha un no of cu no por. Pero nan tin cu siña deal cu esaki. Ta importante pa duna e yiu(nan) na un momento asina un splicacion pakico. Tambe si tin posibilidad pa duna un of mas alternativa of opcion ariba locual no ta posibel. Papia tocante amor y intimidad

Ta importante cu mayor comunica y papia tocante di amor for un edad hoben cu e yiu(nan). Pregunta(nan) lo surgi for di e mucha(nan) tocante e topico y lo yega un dia cu e mucha of hoben lo tin tambe sentimento di amor y intimidad. Esaki pa hopi mayor kisas ta un topico dificil pa papia cu e yiu(nan). Si mayor tin dificultad pa papia tocante intimidad y sexualidad semper por acudi of comunica cu Tienda di Educacion.

Nos ta bibando den un era caminda cu informacion ta tur caminda, e cuestion ta si acaso e informacion ta esun corecto. Vooral ora ta trata mucha of hoben ta importante pa nan sa cu no tur informacion ariba internet ta cuadra cu e realidad. Ta bon pa busca e fuente di unda e informacion ta bin. Tin organisacion grandi internacional cu por ehempel tin otro metanan di existencia y no tur ora ta cuadra cu e meta di duna of informa e comunidad, kisas pa por

bende un servicio of producto.

**Tienda di Educacion**  
Mayor bo no ta para pa e retonan aki boso. Ta tareanan cu por muestra dificil pero Tienda di Educacion t'ey na disponibilidad di comunidad di Aruba pa duna abo e sosten y guia gratis. Por contact Tienda di Educacion na 161 cu ta disponibel di dialuna pa diabierna di 8 am pa 6 pm non-stop.

Tambe por like nan Facebook page keda informa y tambe comunica di nan servicicionan.

Tienda di Educacion ta situa den edificio di Centro pa Hoben y Famia na Sabana Blanco 68-C y ta na servicio di henter comunidad. Nos muchanan ta nos futuro. Ban crea un futuro caminda cuida propio ta wordo practica constantemente.



# SUDOKU

		5		4				
			8					6
			1				3	7
			6			7		
		7			1			4
		8		3			9	
	3			8			4	
	8	2	9					
	7	4				9	5	

				6				
2		6		7			8	
9						2		5
				4				
3	6	5				4		
7		8	3			5		
					7			2
	9			8				
			6	5			3	4

	8							
	9		8	3		6	7	4
6								8
9	1	2		4			8	
		8					4	1
				9				7
5		3			7			
			4				2	9



## BON NOTICIA

# BO TA DEN E UNICO IGLESIA DI HESUS PA E REINO DI CIELO OF BO TA DEN UN SECTA CU HENDE A LANTA PA FIERNO?

Bijbel Exodo 24: 7- 8, den e Evangelio aki, Dios Tata a cera e prome Aliansa cu e pueblo di Israel, pa medio di Moises. Bijbel 2 Samuel 7: 16, den e Evangelio aki, Dios Tata a eligi David, pa bira e prome Rey di Israel. Dios Tata a priminti Rey David cu su sucesornan, nan lo ta pa semper encabesa e Reino di Dios. Bijbel Mateo 26: 26 – 28, den e ultima cena Hesus a bisa Su apostelnan: “Boso tur bebe for di e copa di binja aki, esaki ta Mi Sanger, e Sanger cu ta confirma e Aliansa cu Mi ta derama pa hopi hende, pa pordon di pikanan.” Akinan Hesus ta confirma Su Sacrificio y morto na crus, deramando Su Sanger precioso, pa e Aliansa Nobo di Dios Tata, cu ta e pueblo Nobo di Israel. Bijbel Lucas 1: 32 – 33, ta bisa: “Senjor Dios lo duna Hesus e trono di Su antepasado Rey David y te den eternidad lo E ta Rey di e descendientenan di Jacob y Su Reino lo no tin fin.” Bijbel Mateo 16: 15 – 19: “Hesus a puntra Su apostelnan: Anto boso mes, ta ken boso ta bisa Mi ta? Simon a contesta: Bo ta E Mesias, E Yiu di Dios bibo! Hesus a bis’e: Felis bo ta Simon yiu di Huan, pasobra no ta hende a revela bo esaki, ma Mi Tata cu ta den Cielo. Mi ta bisa bo: Abo ta Pedro (o sea baranca) y riba es baranca aki, lo Mi lanta Mi Iglesia y forsan di fierno lo no podera di dj’e. Lo Mi duna bo e yabinan di Reino di Cielo y loke bo prohibi na tera, ta prohibi den Cielo

tambe y loke bo permiti na tera, lo ta permiti den Cielo tambe.” Akinan Hesus ta bisa bon cla, Mi Iglesia, osea un solo Iglesia y no Iglesiasnan. E demonionan den fierno lo lanta diferente sectanan na mundo, pa podera y pa kibra e Iglesia di Hesus, pero nan lo no logra. Hesus a duna Simon e nomber Pedro, cu ta significa baranca, cabes visibel di Su Iglesia. Hesus a duna Pedro e yabinan di Reino di Cielo y esaki ta significa, cera of habri e unico portanan pa laga e almanan drenta den Reino di Cielo. Hesus a duna e autoridad na Pedro pa dirigi Su Iglesia, di loke ta permiti y di loke ta prohibi. Bijbel Marco 16: 15 – 16, aki Hesus ta bisa Su apostelnan: “Sali pasa na henter mundo y predica e Evangelio pa henter humanidad.” E palabra, sali pasa na henter mundo y predica e Evangelio pa henter humanidad, ta significa, Universal, Hesus Su Iglesia ta Universal. E Iglesia Universal di Hesus, ta e pueblo Nobo di Israel di Dios Tata den e Aliansa Nobo. Awor, tur e sectanan na mundo y e Hudiunan mes, nan mester kere den Cristo-Hesus y nan mester drenta y bautisa den E Iglesia Universal di Hesus, pa nan por drenta den e Reino di Cielo. Hesus a duna Su apostelnan, Su doctrinanan di Gracianan di salvacion pa Iglesia: Bautismo Mateo 28: 19 – 20, Confirmacion Echonan di Apostelnan 2: 1 – 4, Confesion Huan

20: 23, Eucaristia Lucas 22: 19 – 29, Matrimonio Mateo 19: 4 – 6, Apostolado Marco 3: 13 – 19, Enfermonan Hacobo 5: 14 – 15. Awor puntra bo mes, ta di con tin tanto sectanan na mundo y mientras ta un Iglesia Hesus a lanta? Na anja 1521, Martin Luther, a inventa e teoria di e interpretacion liber di Bijbel. E interpretacion liber aki, a produci 36.000 diferente sectanan y oposicionnan na mundo. Tur e sectanan aki, ta pretende di ta di Hesus.

Durante tempo, hopi di nan a lanta nan mesun religionnan y predicando e Bijbel den nan mesun manera y buscando hendenan debil den fe pa sigi nan. di Bijbel Echonan Apostelnan 20: 28 – 30, carta di San Pablo na su coleganan Apostelnan: “Cuida boso y di henter e rebanjo na cual Spirito Santo a pone boso como Obisponan pa warda e Iglesia di Senjor, na cual E’l a gana cu Su propio Sanger. Mi sabi cu despues di mi partida, lo drenta lobonan feros

cu lo no tene compasion cu e rebanjonan y cu denter di boso mes, lo surgi hendenan cu lo sinja doctrinanan robes y nan lo gana discipelnan nan tras.” Ta manera cu Hesus a bisa den, Bijbel Mateo 16: 18, cu forsan di fierno lo purba podera y kibra e Unico Iglesia Universal di Hesus, pero nan lo no logra. Husga pa bo mes. Nunca no ta laat pa compronde e berdad y pa comberti.

Scirbi pa Seferino Tromp  
Un mensahero di Dios.



## Oracion di dia

### Un feliz dia fructifero colma cu hopi gracia di Dios.

‘Ningun hende no por bini cerca Mi, si mi Tata cu a manda Mi no hal’e  
cerca Mi’. (Huan 6, 44)

Cristo ta bisa cu ta via di Dios so un hende por yega cerca djE. Mescos tambe den e lectura ta pa medio di un angel di Dios Felipe a

topa cu e africano. Cristo mes ta splica cu E ta e pan cu ta duna biba. Esaki ta nifica cu nos tin di sigui busca Cristo pa medio di oracion, pa medio di lesa Bijbel, cumpli cu e 10 mandamentonan, haci

bon obra, haci sacrificio y scucha e Palabra di Dios. Busca pa por conoce e Palabra di Dios, laga Pastoornan y Diacononan splica e Palabra di Dios ja asina nos por yega cerca di Dios y Cristo Hesus. Felipe a splica e homber di Etiopia e loke e tabata lesa di profeta Isaia y ora el a compronde el a wordo batisa mesora. Rumannan nos tin

di sigui y busca e pan cu ta duna bida cu ta Cristo. Haciendo esaki nos tin sigur di haya bida eterno.

Oracion: Dios Tata laga Spirito Santo inspira nos pa nos por sigui busca e pan cu ta duna nos bida cu ta Cristo.  
Amen.